

تورکیا

یوویک ملت مجلسین

ضبطہ لبریاک لبریاک

اوجنچی اجتماع

۱۳ آگستوس ۱۳۳۹ بازار ایرتسی

مدرجات

- ضبطہ سابق خلاصہ سی
- انتخاب مضبطہ لبریاک تصدیق
- اعضاءن تحلیف لری اجرا ایدلہ یئلردن موجود اولانلرک تحلیق
- دیوان ریاست انتخاباتی
- رئیس غاری مصطفی کمال پاشا حضرت لبریاک نطق لری
- برنجی یوویک ملت مجلسینک مساعی مجاهدانہ سنک تقدیری
- اردویہ شکران واحترام
- رئیس ثانی علی فؤاد پاشا حضرت لبریاک نطق لری
- دیوان ریاست انتخاباتنک بقیہ سی

برنجی جلسہ

براً مذاکرات

دوقہ ساعت

۱ ۴۵

[رئیس — رئیس موقت علی فؤاد پاشا حضرت لری]

موقت کانلیر : رفیق بک (قونیہ) ، جودت بک (کوتامیہ)

مطالعہ وارمی ؟ (خایرسس لری) ضبطہ سابق خلاصہ سی

عیناً قبول ایدلشدر .

انتخاب مضبطہ لبریاک تصدیق :

رئیس موقت — افندم اشعبہ لردن گلش ہمض مضبطہ لری

وار، اولنری او قویہ جغز :

ضبطہ سابق خلاصہ سی :

رئیس موقت — جلسہ سی آچبورم افندم . ضبطہ

سابق خلاصہ سی او قونیہ جقدر . (ضبطہ سابق خلاصہ سی

او قوندی)

رئیس موقت — افندم ضبطہ سابق خلاصہ سی حقدہ

مطالعه و رمی؟ (و در سلسلی) حسن فهمی بک
مضبطه سنی قبول ایدنلر لطفاً اللرینی قالدیرسون ! حسن
فهمی بک اعضالغه قبول ایدلمشدر .

دیاربکر مبعوثلری حقنده اوچنجی شعبه تذکره سی :

دیاربکر مبعوثلغنه انتخاب اولنان زلفی ، فیضی ، شرف .

محمد ، ضیا کوك آلپ بكارك مضبطه سی

اشیر مضبطه ، مندرجاتی و جهله دیاربکر مبعوثلغنه انتخاب

اولنان زلفی زاده زلفی ، ناعه و کیلی فیضی ، تقی زاده

شرف ، حضروولی بدری بک زاده محمد و ضیا کوك آلپ

بكارك انتخاباری و مضبطه مندرجاتی موافق اصول و قانون

اولدینی شعبه منزك بشنجی انجمنه جرح اولنان تدقیقاندن

و آروجه شعبه مزجه جریا ایدن تحقیقاتدن آكلاشامقله

تصدیقاً مقام عالی ریاسته تقدیم قیلندی . ۱۳ - ۸ - ۳۹

کاتب اوچنجی شعبه رئیس

قونیه استانبول

فؤاد کاظم قره بکر

رئیس موقت — زلفی بک مضبطه سنی قبول ایدنلر

لطفاً اللرینی قالدیرسون ! زلفی بک اعضالغه قبول

ایدلمشدر .

فیضی بک مضبطه سنی قبول ایدنلر لطفاً اللرینی

قالدیرسون ! فیضی بک اعضالغه قبول ایدلمشدر .

شرف بک مضبطه سنی قبول ایدنلر لطفاً اللرینی

قالدیرسون ! شرف بک اعضالغه قبول ایدلمشدر .

محمد بک مضبطه سنی قبول ایدنلر لطفاً اللرینی

قالدیرسون ! محمد بک اعضالغه قبول ایدلمشدر .

ضیا کوك آلپ بک مضبطه سنی قبول ایدنلر لطفاً

اللرینی قالدیرسون ! ضیا کوك آلپ بک اعضالغه قبول

ایدلمشدر .

قرق کلیسا مبعوثلری حقنده دردنچی شعبه ریاسته

تذکره سی :

قرق کلیسا سنجاعی مبعوثلغنه انتخاب اولنان شکری

نائلی پاشا و در قوتور فؤاد بک مضبطه لری

برای تدقیق شعبه مزه محول مضبطه لرده قرق کلیسا

مبعوثلغنه انتخاب ایدیلن شکری نائلی پاشا و در قوتور فؤاد بک

آقره مبعوثلری حقنده برنجی شعبه ریاستدن مورود تذکره :

برنجی شعبه به محول آقره مبعوثلرندن قناجی زاده

شا کر ، کسکینلی احسان ، بکیازاری حلمی ، عمر ممتاز بكارك

مبعوثلقرلی حقنده کی مضابط انتخابیه شعبه هیئت عمومیه .

ساجه لدی التدقیق موافق اصول و قانون اولدینی تصدیقاً

هیئت عمومیه به عرض ایدلمك ارزره ریاست جلیله به تقدیم

۱۳ - ۸ - ۳۹

قیلندی .

کاتب برنجی شعبه رئیس

قسطمونی

ولدچای

ضمیر

رئیس موقت — شا کر بک مضبطه سنی حقنده مطالعه

واری؟ (موافق سلسلی) شا کر بک مضبطه سنی

قبول ایدنلر لطفاً اللرینی قالدیرسون ! شا کر بک اعضالغه

قبول ایدلمشدر .

احسان بک مضبطه سنی حقنده مطالعه واری؟ احسان

بک مضبطه سنی قبول ایدنلر لطفاً اللرینی قالدیرسون !

احسان بک اعضالغه قبول ایدلمشدر .

حلمی بک مضبطه سنی حقنده مطالعه واری؟ حلمی

بک مضبطه سنی قبول ایدنلر لطفاً اللرینی قالدیرسون !

حلمی بک اعضالغه قبول ایدلمشدر .

ممتاز بک مضبطه سنی حقنده مطالعه واری؟ ممتاز

بک مضبطه سنی قبول ایدنلر لطفاً اللرینی قالدیرسون ! ممتاز

بک اعضالغه قبول ایدلمشدر .

کمیتخانه مبعوثی حسن فهمی بک عائد بشنجی شعبه

ریاسته تذکره سی :

بو یوک ملت مجلسی ریاسته جلیله سته

کمیتخانه سنجاعی مبعوثلغنه انتخاب ایدیلن مالیه و کیلی

حسن فهمی بک عائد مضبطه لفاً تقدیم ایدلمش اوقله

کیفیتک هیئت عمومیه به عرضنه مساعده بو یورلمسی متمنادر

۱۲ - ۸ - ۳۳۹

افندم .

کاتب بشنجی شعبه رئیس

سینوب مبعوثی

یوسف کمال

کفری مبعوثی

احمد طلعت

رئیس موقت — حسن فهمی بک مضبطه سنی حقنده

حقلر تدکی مضابط انتخابیه بانته قیق بر کو فاعلیل و اعتراضات
وقوعر بلدینی کبی انتخاب واقعده اصول وقانونه موافق
اوله رق جریان ایتمش اولدینی اکلشلمش اولقله موسی الیهمانک
ببعونیتلری برای تصدیق هیئت عمومییه عرض اولمق اوزره
ریاست جلیلهیه تقدیم قلمنور .

۱۳ آغستوس ۱۳۳۹

دردنجی شعبه کاتبی دردنجی شعبه رئیس
درس موش
فریدون فکری الپاس سامی
رئیس موقت — شگری نائی پاشانک مضبطه سنی
قبول ایدنلر لطفاً اللرنی قالدیرسون! شگری نائی پاشا
اعضالغه قبول ایدلشدر .
دوقتور فؤاد بکک مضبطه سنی قبول ایدنلر لطفاً اللرنی
قالدیرسون! دوقتور فؤاد بکک اعضالغه قبول ایدلشدر .
ایچ ایل لواندن انتخاب اولان توفیق بک حقنده
ایکنجی شعبه مضبطه سنی :

ایچ ایل لوانس انتخاب مضبطه لر ندر دوقتور توفیق بکک عاند
۲۲-۶-۳۹ تاریخی مضبطه ایله موطن قضائنده جریان ایدن
انتخابک غیر قانونی اولدیغنه دائر ایچ ایل سابق بیعوثی
علی افندی طرفندن پایلان شکایت وموطده جریان ایدن
مخبره اوراتی تدقیق مضابط ایچون شعبه جه تشکیل اولان
اوجنچی انجمنزده تدقیق اولنهرق انجمن مذکور هیئت نتیجه موطن
قضائنده کی انتخابک صورت اجراسی ومنتخب ثانیله تأثیر اجرا
اولدیغنی مؤید دلائل موجود اولمایوب شکایات واقعه
قول مجردده قالدینی بالکر دوقتور فوزی بکک عاند اولان
بررایک دوقتور توفیق بکک علاوه سی صورتیله یتمش اوج
رأی ایله مساواتده قالان علی افندی به موسی الیه توفیق بکک
احراز اکثریت ایندی رلیکی وموطن قضایی قائم مقاملیغه
مجلس اداره سنجه پایلان تحقیقات ده مذکور بزرابک
شبهه لی اولدیغنی ارانه ایتدیکنه نظراً کأن لم یکن عدیله
مساوی رأی اددقلمی نظام ایدن موسی الیهمانک دوقتور
توفیق وموطن علی افندی لر آرمشده انتخاب بیعوثان
قانونلک الی ایکنجی ماده سی موجب سنجه قرعه کشیده سی
مقتضی بولدینی قناعی اظهار ایدلش ایسده شعبه هیئت

عمومیه سنجه کیفیت یکیدن تدقیق ونصیق اوله رق
موطن قضایی هیئت تقشیه سنجه انتخاب اجرا ومضبطه
انتخابیه نك تنظيم وپوسته یه تودیمی ایله برابر رأی
بوصله سی وتصنیف آرا جد اولنک و انتخابیه متعلق
قیودات سائر نك تمهیر و حفظ ایدلکدن سوکره یکی
باشدن تدقیقات اجرا سیله مشهور اولان خطائک تصحیحی
بولنده هیئت تقشیه وقضا قائم مقاملندن متصرفلغه
واقع اشعاری رهین قبول اولمه حنی جهته موسی الیه
دوقتور توفیق بکک بیمولغنه دائر تنظیم اولان مضبطه نك
قبولی شعبه اکثریت سنجه قنرر ایتمش وآنحق بروسه
بیعوثی عثمان نوری ، قره حصار شرقی بیعوثی اسماعیل
حنی ، یوزغاد بیعوثی عونى ، اسکیشهر بیعوثی امین ،
بولی بیعوثی محمد ، نیکه بیعوثی حازم ، بیغام بیعوثی محمد بک
افندی لک موسی الیهمانک توفیق بک وعلی افندی لر آرمشده
قرعه کشیده سی لازم کله حکمی رأینده بولنش اولدقلمی
جهته ردویا قبول حقنده قرار قطعی اتخاذ بولورلمق
اوزره هیئت عمومییه عرضی ضمیمه ریاست جلیلهیه
تقدیم اولنور .

۱۳-۸-۳۳۹

اعضا	اعضا	کاتب ایکنجی شعبه رئیس
آلطایه	قره حصار صاحب	یوزغاد عبدالله حرمی
راسخ	روشن اشرف	سلیمان سری
اعضا	اعضا	اعضا
درس	تکفور طاعی	بولی کنفری
احمد شگری	فائق	محمد یوسف ضیا
اعضا	اعضا	اعضا
زوانفولداق	غازی عینتاب	جنابق قلعه علی
خلیل	احمد مرزی	اوقونامدی
اعضا	اعضا	اعضا
اوقونامادی	کونا هیه	نابت احمد حمدی
	محمد نوری	
اعضا	اعضا	اعضا
	اوقونامادی	احمد
	قرعه کشیده سی طرفدارلری :	
اعضا	اعضا	اعضا

اسکیشہر	کوٹاہیہ	قرہ حصار شرقی	بوزوق
امین	نوری	اسماعیل حق	سلیمان سری
			اعضا
			بیجا
			محمد

رئیس موقت — افندم! سوز ایستہن واری ؟
(خاير صدالری) (شعبہ نك اكثریتك قراری قبول
سلسری)

شکری بك (جناب قاعہ) — مجلس مبعوثان
نظامنامہ داخلینك یكرمی ایکنجی مادہ سنك یردنجی
قرہ سی دیپورکہ ہندقیق انتخاب مضبطہ سی ہوجبہ
انتخابی تعدیل اولان اعضانك قبول وعدم قبولی مضبطہ نك
تصدیق کونی رایہ قونہ ماز ، بناء علیہ مضبطہ نك ہیئتہ
قرائت اولدینی کون رایہ قونیلہ میور . مذکور
مضبطہ طبع اعضا توزیع ایدلکدن سوکرہ باشقہ برکوندہ
مذا کرہ ایدیلور . مادامکہ بهض آرقداشلر بونك تعلیلنی ..
(تعلیل یوق صدالری) شو حالده مذا کرہ جریان ایدہ من .
(رایہ رایہ صدالری)

سلیمان سری بك (بوزوق) — افندم! بور دور
لواسی مبعوث انتخابك (بور دور دكل ایچ ایل لواسی
سلسری) ایچ ایل اوت ، نامزدلردن توفیق بك ، بده
سابق مبعوث علی افندی ، بیكباشی فوزی بك وار ،
موط قضا سنده علی افندی به اون بررای ویریلور . فوزی
بک یکر می رای ، یریلور ، (فصیلا نه حاجت یوق صدالری)
یکون اعتباریلہ لو انك هیئت عمومیہ سندن علی افندی
(۷۳) رای آیلور ، دو قور توفیق بك ۷۴ رای آیلور .
مضبطہ انتخابیہ پاییلور ، پوستہ ویریلور . رای بوصلہ لری
تمہیر ایدیلوب طرفہ قونویور ، حفظ ایدیلور . پوستہ
هنوز لوایہ کلکمزین علی افندی طرفندن شکایت اولنه ق
دنیلور کہ توفیق بك نامہ ویران رایك برسی توفیق بک دکل ،
دو قور فوزی بک کدر . حالبو کہ نامزدلر آرا سنده دو قور
فوزی بك بوقدر ، بیكباشی فوزی بك واردر . بناء علیہ
هیئت تفتیشیہ اوراییده توفیق بك نامہ قید ایدیلور .
شو حالده توفیق بك (۷۴) رای آیلور . او معال رای

چیققدن سوکرہ ۷۳ رای فوزی بکہ قالور . آرا لرنده
قرعہ چکیلمک لازم بو اصولہ هیئت تفتیشیہ رعایت
ایدہ چکدی . ایتمدی ، حق ضایع اولور دیبہ شکایت
اولونویور . بونك اوزرینہ قائمہ قاملقدن امر ویریلوب
هیئت تفتیشیہ مهور اولان رای بوصلہ لری وقیوداتی
تدقیق ایدیلورلر و حقیقہ رایك بریسنده دو قور فوزی
بك یازلش اولدینی آکلا شیلور . رایده تخریف یوق ،
حقیقہ علاوه یوق . راینی استعمال ایدن مستحب
ناینك عددینہ کرره رای بوصلہ سی عددی دخی موافق
اولدیندن شو حالده بونده ذہول اولدینی وسوہ متصد
بولونما یغنه دشر برضبط پاییلورلر لوایہ دیپورلر کہ مضبطہ
پوستہ ویرلشدن . بناء علیہ او صورتلہ تصحیح ایدیکز
و آره لرنده قرعہ چکیلمک لازم کورسہ پاییکز دیپورلر . شمدی
بو مضبطہ نك شعبہده تدقیق صرہ سنده شعبہ نك مضبطہ ی
تدقیق ایچون تشکیل ایتدیکی انجمن ، هر ایکی ذات
آره سنده قرعہ چکلمسی قاعندنہ بولونویورلر و مضبطہ لری
او یولده پاییلورلر .

انجمنك مضبطہ سی شعبہ هیئت عمومیہ سنده موضوع
بحث اولدینی وقتده شعبہ ، اوت مانامک مضبطہ انتخابیہ
پایلمش و پوستہ ویرلش و اوراق سائرہ مهوراً حفظ
ایدلدیکی حالده سکوت ایدیلورک بر مدت زبلکہ بر قاج
کرن سوکرہ بو اور اقلک تدقیقہ مجبوریت حاصل اولمسی
دوغرو دکدر . پایلان معاملہ یولتده در . بناء علیہ
انتخاب واقع موافقده شکندنہ قرار ویرلشدن .
شو حالده هیئت عمومیہ ایله اقلیتده قالانلر آره سنده
حاصل اولان شو اختلافک حلی حقندنہ مجلس عالی حکم
وقعنه دو شمش اولور . (اکثریتک قراری موافقده
سلسری)

عصت بك (چوروم) — شکایتدن متولد بر حادہ
مضبطانك هیئت عمومیہ سنك تدقیقی انتاج ایتدیکی ایچون
تصدیق مانع بر تعلیل مہیتندنہ در . بناء علیہ هر معمل
مضبطہ ایکنجی جلسہده مذا کرہ ایدیلور . بونیده یکنجی
جلسہ به تعلیق ایدهرک بوکونکی انتخابی تأخیر ایتمک
لازم کلیر . (خاير سلسری) (رایہ صدالری)

رئیس موقت - ذآ شعبه اکثریتله قرار ویرمشدر .
 بناء عليه اکثریتك قرارینی رأیه قویمى لازم کلیر . فقط
 ایشك دها اساسلی اولمسنی آرزو ایدرسه کنز اولان
 اقلیتك قرارینی رأیه وضع ایتمك لازم کلیر .
 عونى بك (بوزاق) - سوز ایسته بوم افندم .
 اقلیتك قرارى حقنده بر قطعه هیئت علیه کنزه عرض
 ایتمك ایسته م . اورته ده بر اوراق تحقیقه موجوددر .
 اتخانی اجرا ایدن هیئت تفیشیه و بلدیہ و قائم مقامان
 تحقیقات پایبور . بزخطا یابندق ، قصور یابندق دیوردر .
 بو اوراق رسمیه موجود ایکن بونك عکسی ثابت او اجه یه
 قدر معتبر عد ایتمك لازم کلیر . انجمنزده بو قیامته ده
 بولمشدر . بز نقطه نظر مزده مطرز . (رأیه قویمى کنز
 سسلری)

رئیس موقت - افندم ، مساعده بو یورك! بر دها عرض
 ایدم . اگر اقلیتك فکریتمك رأیه قویلمسنی آرزو
 ایتمه بورسه کنز اکثریتك قرارینی رأیه عالیکنزه قویم .
 (اکثریتك سسلری) او حالده افندم ، اکثریتك قرارى اولان
 شعبه نك رأیه حاوی اولان مضبطیه رأیه عالیکنزه
 وضع ایدم حکم .
 ضمیر بك (آٹنه) - اولاماز قدم .
 رئیس موقت - افندم ، بوراده ایضاحات ویرمشدر . اگر
 هیئت عمومی اقلیتك قرارینی قبول ایتمسه دوغریدن
 دوغری به بر مطالعه اولق اوزره وارد اولاییلیر . شو
 حالده اکثریتله ویرلمش اولان قرارى رأیه عالیکنزه
 قویم حکم .

رئیس موقت - افندم! کیشخانه دن یکی کلش انتخاب
 مضبطه لرى وارد . بشنجی شعبه یه حواله ایدیه برز .
 برده حافظ امین بیکك مضبطه سى وارد . اوده
 دردنجی شعبه یه حواله ایدلشدر .
 افندم ! شعبه ریاستلرینه و کتابکارینه کیملر انتخاب
 ایدلشسه اونلری عرض ایدم حکم .
 اعضاده تخلفی امر ایلدیلرندره موجود اولانلرک تخلفی :
 رئیس موقت - افندم ! مساعده اندرسه کنز چکلرده
 ایلک برنجی جلسه ده تخلف مراسمی پایلمشدی . او جلسه ده
 بولنمیان آرقداشلر وارسه اونلرکده تخلف مرا - معنی

رئیس موقت - افندم ، مساعده بو یورك! بر دها عرض
 ایدم . اگر اقلیتك فکریتمك رأیه قویلمسنی آرزو
 ایتمه بورسه کنز اکثریتك قرارینی رأیه عالیکنزه قویم .
 (اکثریتك سسلری) او حالده افندم ، اکثریتك قرارى اولان
 شعبه نك رأیه حاوی اولان مضبطیه رأیه عالیکنزه
 وضع ایدم حکم .
 ضمیر بك (آٹنه) - اولاماز قدم .
 رئیس موقت - افندم ، بوراده ایضاحات ویرمشدر . اگر
 هیئت عمومی اقلیتك قرارینی قبول ایتمسه دوغریدن
 دوغری به بر مطالعه اولق اوزره وارد اولاییلیر . شو
 حالده اکثریتله ویرلمش اولان قرارى رأیه عالیکنزه
 قویم حکم .
 احسان بك (جیل برکت) - افندم ! بنده کنزك
 تلقیمه نظراً هیئت جلیله کنز حکم موقعنده بولونیورسکنز .
 مسئله یی عدل و حقایته موافق بر صورتده حل ایتمك
 موقعنده بولونیورسکنز . حالبوکه بنده کنز کنندی حسابمه
 تنور ایدم دم . مساعده بو یوریکیز . قانونكده صراحتی
 موجبنجه اور جلسه یه تعلیق ایدمرك تدقیق ایدم ،
 قناعتمز حاصل اولسون و عدالت ده بویله در . (دوغرو
 سسلری)
 رئیس موقت - افندم مساعده بو یورك! شعبه ریسندن

یابم. کم تحلیف ایله مشه بده كزده قیدلری واردر .
اگر اونلردن موجود اولان ذوات وارسه تحلیف ایدم .
[رضاتورک (سینوب) تحلیف ایدلی] .

اسعد افندی (منشا) — صادق قله جفکزی اثبات
ایتدیگیز . بوندن صکرده اثبات ایدرسکیز . [ذکاٹی
بک دکزلی ، صفابک (آطنه) ، وهی بک (قروهی)
علی سعاوی بک (قروهی) بک تحلیفلی اجرا اولدوقدن
صکره عصمت پاشا (ملاطیه) بک رسم تحلیفی آلقیشلر
آره سنده اجرا اولوندی]

[دو قنور حاسی بک (ملاطیه) ، عابدن بک (صاروخان) ،
رشاد بک (صاروخان) ، محمود ندیم بک (ملاطیه) بک تحلیفلی
اجرا ایلندی .]

دیوانه ریاست انتخابی :

رئیس موقت — اقدم اروز نامزده دیوان ریاست انتخابی
واردر . دیوان ریاست انتخابی نظامنامه داخلی موججه
شووجهله یابه جفز : برنجی انتخاب رئیس ایچون ، ایکنجی
انتخاب رئیس ثانی ایچون ، اوچنجی انتخاب رئیس وکیللری ،
دردنجی انتخاب اداره مأمورلری ، بشنجی انتخاب کاتبلر
ایچوندر . (کورولتیلر) اقدم ! نظامنامه داخلی بویه دییور .
شمدی رئیس انتخابی یابه جفز .

بیچی غالب بک (قیرشهر) — بش قوطو قوبالمده اویله
یابم .

رئیس موقت — اقدم ! نظامنامه داخلی صرحدرد یعنی
آبری ، آبری یایمقدرد .
دو قنور فکوت بک (اوطفول) — بالکیز برکشی
بازیله جق دکلی اقدم ؟

رئیس موقت — اوت ، شمدی ریاست انتخابی اجرا اید
یله جکدر . رأیلریکزی استعمال بو یوریکیز !
(قوییه دائرة انتخابیه سندن تعیین اسامی ایله ریاست
انتخابیه باشلامشدر .)

رئیس موقت — اقدم ! اسملری اوقونوبده کندیلری بوراده
موجود اولیانلرک اسملری بردها اوقوییه جفز . اقدم !
رأیلری استعمال ایتمش وارسه رأیلری استعمال
ایتموندر . استحصال آرا ختام بولمشدر .

[اسخ افندی (آنطالیه) ، رحمی بک (سیوس) ،
مکرم بک (اسپارطه) تصنیف آرایه مأمور ایدلمشدر .]
رئیس موقت — اقدم ! ریاست ایچون وقوع بولان انتخابده
بروجه آتی آرا حاصل اولمشدر ! رأیه اشترک ایدن اعضا
کرامتک عددی (۱۹۷) در غازی مصطفی کمال پاشا حضرتلری
(۱۹۶) رأی ایله تورکیا بویوک ملت مجلسی ریاستنه انتخاب
ایدلمشدر . (آلقیشلر)

رجب بک (گوناویه) — پاشا حضرتلری ! او
بر رأیتک کیسه طائد اولدیغنی لطفاً افاده بو یور بر میسکیز ؟
رئیس — او بر رأی عصمت پاشا حضرتلرینه
ویرلمشدر . عفو ایدرسکیز اوقویایماشدم .

مصطفی فهمی افندی (روسه) — اوننده بلکه
پاشا حضرتلری ویرمشدر .

[غازی پاشا حضرتلری سوره کلی آلقیشلر آره
سنده ریاست موقعنه بکمشدر]

رئیس غازی مصطفی کمال پاشا حضرتلر بک نطقلری :
رئیس غازی مصطفی کمال پاشا حضرتلری —
افندیلر ! تورکیا بویوک ملت مجلسینک ایکنجی
انتخاب دورسه داخل اولمش بولونیوروز . بیک مجلسلری
تشکیل ایدن هیئت جلیله کزی کمال حرمتله سلاملارم .
(تشکرلر ایدرز سسلری) بودوره انتخابیه ، عین
زمانده ، بیک تورکیا دولتنک . بیک تاریخنده مسعود بر
انتقال زمانه تصادف ایدیور . بونی ، مملکتتمزک ،
ملتتمزک سعادت و سلامتی ایچون ، هیئت علیه کزک موفقیتی
ایچون فال خیر عد ایدیوروم .

فی الحقیقه ذرت سنه تک استقلال مجاهده هنر . ماتتمزک
شسانه لابق بر صلح ایله نتیجه لشمشدر . لوزانده امضا
ایدنش اولان معاهده نامه هیئت علیه کزک تصدیقه
اقتران ایتدیکی قدیرده بونون معناسیله حر و مستقل اوله رق
مسعود بر مساعی ساجه سنه داخل اولمش بولونه جفز .
! تحصیل ایدیان نتایج مسعوده تک محافظه سنده لوزان
معاهده سندن تفریق ایدیلن مسئله لک حل قطعه سنده
و ملتتمزی حضور و رفاهه نائل ایده جک فیضلی خدمتدرده
موقفیت نامه کزی بونون قابلمه تمی ایدرم .
افندیلر ! تورکیا بویوک ملت مجلسینک انقادیینه

کشادینه قادر کچن دور : بر ملنک شرف و حیثیت و وقوع بولمش اک آخیر تجاوزاتک فیجیع ماجر الریاه دولدر . معلوم اولدینی اوزره عثمانی حکومتیه متفقلر آره سنده عقد ایدلمش اولان بو متارکه فردای امضاسندن اعتباراً دول غالبه طرفندن فعلاً و حکماً پارچالاندی . انگلیز ، فرانسوز ، ایتسیان اسسیلا اردولری وطنیزک هنرز پارچه لرینه چو کدیلمر ، استانبول و بوغازلر دشمن قوای بریه و بحریه سینه ساحه جولان اولدی .

یونان اردولری از میر ریختنی قانه بوادی . . اک کوزل معموره لر منی تخریبه باشلادی . قادن و چو حوقلر من ، ناموس و عفتمز و پک چوق معابد ، آثار و آبادتزر داخل اولدینی حالده تورک نامی آتمده کی هر شیه تجاوز اولدی . هر کون آیا صوفیایه خاچ آصمق تهدیدیه له ایجه حسلر من رنجینه ایدلدی . اسیرلر حقه بیله روا کورولمن بر جبر ایله عصرلرک حموله شرفی اوموزلرنده طاش بیان ضابطلر من ، دشمن ضابطلرینه مراسم احترا بیه ایفاسینه مجبور طو تولدی . تمثال ناموسمز اولان سنجانمز حنارت کوردی .

بو مشوم متارکه نلک تطبیقاتنه نظارت ایتک اوزره آناطو . لینگ اک هجر ایرلرینه قادر تأسیس نفرز ایدن اجنبی ضابطلری استخبارات شبکه لری نامی آتمده کی فساد او جاقلری ، داخلی دشمنلریمزک تشویقیله خنقمزه خاطره کلین ظام و حقارلری روا کوردیلر . حکومتک نفرزی ، ماتک حیثیتی بو تعجاز ضابطلرک الده بازجه اولدی .

خلاصه ، تورک لیک و جدانی مدهش بر امتحان قارشوسنده قالدی . بونهای کلیه تجاوزاتک و اصل اوله جنی تیجه نی ، بو تیجه نلک خجاعتنی ادراک ایتمه مک ممکن دکلدی . تارنلک و عنعناتک سوبیله وطنلک تحت شهامتنده او طور ان عثمانی پادشاهی و خلیفه ، اونلک حکومتی ایسه بالکنز شخصی و خسیس منفعللرنی تأمین ایچون تمامیه دشمنلره تسلیم نفس ایله مشدی وطنه اخانت خصوصنده اولنره پیر اولمشدی .

وضعیت تماماً امیدمز کورونورودی . دشمنلرک قوت و قدرتی از یچی ، فلاکت ، عظیم و ناقابل تحمل ایدی .

تقدم ایدن فعالیت ملیه دورنده ملنمزک مائل توجه و اعتمادی اولمشدم . ایلك مجلسک ریاستنی وقهرمان اردولر مرکزک باش قوماندانلغنی ایفا ایتشم . بو صورت و صفت ایله اک بو یوک ملی شرفلره مظهر اولدم . (حقکز در سلسلری) هیئت جلیله کز طرفندن ده مقام ریاسته انتخاب ایدلکلکم قلمده کی منت و شکران حسلرنی ایفاظ ایتشد . بو اصیل توجه ملنک بو کسک قیمتی ایله متناسب بر صورتده چالشمغه دوام ایده جگمی و صلحک کشاد ایده جگی مسامی ساحه سنده ده - مظاهر تکزه و عموم ملنک اعتمادینه مستنداً - تأمین موافقت ایچون بوتون قوای مادیه و ارادیه می صرف ایده جگمی حضور کرده ، مواجهه ایتده تمهد ایلرم . (سورملی آلدیشلر)

افندیلر ! منتخب و معتمد رییسکز اولمق شرفی بو کون عهدده بعض معروضاتده بولمق وظیفه سنی تممیل اید یور . بو کونه تقدم ایدن وضعیت و وظیفه لرم اعتبار ایله ده بو معروضاتک حسن تلقی بو یور یله جغنی امید ایدرم . بوتون تألمات واضطر ابائی و بوتون حظوظ موققیاتی ملنله ار یا شادیغمز صفحات جدلک تفصیلاتی معلوم کزد . بن بو تفصیلاتی باشلیجه اوچ صفحه اوزرنده خلاصه و مطالعه ایده جگم :

موندروس متارکه سندن تورکیا بو یوک ملت مجلسنک و حکومتک تأسیسه قدر و ایلك مجلسمزک کچیردیکی سنلر و نهایت یکی مجلسمزک داخل بولندینی دور .

اوله ظن ایدیورم که زری بو کونه کترین و بو کونک وضعیتنی تولید ایله بن ملی حادثاتک مهم نقطه لرینی و یکی وظیفه لر مرکز عظمت و شهنوائی بو اوچ صفحه احتوا ایده بیلیر . یکی تورکیا دولتک کشاد ایلدیکی صلح دورینک ایلك مجلسی اولان هیئت جلیله کز مواجهه سنده آفل و منقرض عثمانی امپراطور لغندن و اولک صوک بو یوک حادثه سی اولان حرب عمومیدن بحث ایتمکی بی لزوم عد ایدیورم .

اونک ایچون سوزلر مه موندروس متارکه سندن باشلايه جغم .

افندیلر ! موندروس متارکه نامه سنک عقدندن ایلك ملی مجلسمزک

هر حاله اسارت ویا اولومدن برنی ترجیح الهه ک مجبور
 ری قارشوسنده بولونیوردق . حریت واستقلال ایچون
 دنیاده هیچ بر ملک قارشوقارشوبه بولون دینی مشکلات
 ایله مجادله ایتمک لازم کلیو دی . ارباب ادراک . منظره تک
 مغلوب دولتک تبیین مقدراتی حدودندن چیقدیغنی کوردی .
 غالب دولترجه عثمانلی دولتک اقراض قطعیسنه قرار
 ویرلدیکنی آکلامقده مشکلات قالمدی .
 حقیقه تورکیا خلقک حیثیت شرفه رعایت اصلا
 لزوم کورولمور ، اونی تحت اسارته آلتق ، تورکیانی تقیم
 ایتمک عملیه سنه مانع تصور ایلیوردی .

خلفه بر اقباه باشلامشدی . مملکتک بعض طر-
 فارینده مختلف عیرانلر آلتنده جیشتر تشکل ایلیورد
 و دشمنلره قارشو بالذات مات طرفدن مایح مدافعه تک
 اساسلری قورولموردی . نهمیده ، شریقهده پایپلان قونفرملر
 عمومی انجمنی تشکیل ایشدی . نهایت . سیواس عزمی
 قونفرمی معین قاطملر اولرند ، بارز پرئسیپلر دائره -
 سندم مختلف ملی تشکیلاتی و آناتولی ورم ایل . سامعه
 حقوق جمعیتی ، نامی آلتنده تسیق و تشکیل ایدرک قوای
 عمومی ملتی توحید ایلمدی .

افندیلر ! شایان دقت بر جدیت وشوول کسب ایدن
 بو مساعی ، دشمنلرک ، بالحاصه پادشاه وخدیفه اولان
 ذاتک مقابل تدبیری انتساج ایشدی . حرکات ملیه
 متبشیری حقننده تعقیبات امرلری ویرلدی . تشکیل
 تدابیرینک اعلیقات فمایه سنه کچیلدی . دشمنلر قارشوسنده
 عجز وذلنی قبول ایدن سرای وحکومتی بوتون بقیه
 شوکتیه ، بوتون وسائط سفیله سیله اقباه ملیتی
 اولدیرمک ، حقنه وناموسنه تجاوز ایدنر علیها ، ملتی
 مجاهده دن منع ایتمک ایسته بور ، مملکتی بارچالاق ایچون
 دشمنه پیشدارلق ایلیوردی .

فقط افندیلر ! سیواس قونفرمی پایانلرک عزمی
 قطعی وملت استنادی قوتلی ایدی . بی محابا مساعیه دوام
 اولوندی .
 اولامبعوث انتخابی ومجلسک انمقادی تأمین ایدلدی .
 بو صورتله مات موجودیتنی اثبات ایچون ایلمک اساسلی
 موفقیتنی استبداده قارشو احراز ایتمک اولدی .

افندیلر ! سرایک و حکومتک وطن وملت علینه
 متوجه بوتون بوجنایانه رغماً مات بنه پادشاه وخدیفه بی
 قوتارمق و عثمانلی دولتی احیا ایتمک ایچون نام برخلوص
 ایله چالشدی و انتخاب ایدیلن مبعوثلرک عثمانلی حکومتک
 قانونلری دائره سنده اجتماعنی تأمین ایله اکفا ایشدی .
 مبعوثلرک اجنبی سونکولری آلتنده ، مطلق بر استقلال
 فکرله ایفای وظیفه ایله مهلرینه امکان اولمه جفی ایشدی
 ایکن هنوز اکثریه شامل اولان تردد وسطه حیثانه ملاحظات
 مجلسک ، مع الاسف استانبولده اجتماعنه موافقتی ضروری
 قلمدی .

افندیلر !

دشمنلرجه و باب عالیجه استانبولده بولونمق بر
 مجلسک متجددانه حرکتی محتمل کورولموردی . اولنر نظرند
 بو مجلسک اجتماعیه آرتق آناتولیده بر تشکل ملییه
 میدان بر اقلیه جق وهیجان ملی بو صورتله تسکین ایدلر کدن
 صورکه فاجعه بنه دوام ایدر کجکدی . بو حقیقتی کورنلر
 آناتولیده کی مساعی مجاهدانه دوام ایشدی . بو سایه ده
 آناتولی تشکیلاتی تمضو ایلیورد ، قوتلنموردی .
 آناتولی به استناد ایدن مجلسده غیر مساعد وضعیت بر رغماً
 وظیفه سنه دوام ایلیوردی .

بو وضعیت دشمنلر ایچون مساعد بر منظره عرض
 ایلیوردی . اغفلکار تدابیر ایله نائل مقصد اولمقدن نومید
 قالان دشمنلر ؛ ترار لرینی آجیقه جه ویردیله و ۱۶ مارت
 ۳۳۶ ده استانبولک اشغال فجیبی وقوع اولدی . عثمانلی
 دولتک حیثانه فملاً خاتمه ویرلدی . بو حادثه آناتولیده
 چالیشانلر ایچون غیر منظر دکلمدی . آرتق عثمانلی دولتی
 قوتارمق و اونک سایه اماننده وطنک خلاصنی ، مملکت
 استقلالنی تأمین ایتمک امکانی کامیاز ائل اولمش بولنیوردی .
 ملی مجلسک اجتماعه دعوتی بر امر ضروری حاله
 کیردی . نهایت ۲۳ نیسان ۳۳۶ تاریخنده بو کون طوبلان دیغمز
 بوصالونده هیئت جلیله کزه سلف اولان برنجی تورکیا
 بوک ملت مجلسی اجتماع ایله دی .

تورکیا تاریخنده دائماً بوکسک بر موقع شرف محافظه
 ایدر ک و احفادک تقدیراتی قازانمق اولار ایلمک مجلسمز

و قد تاه وظیفه سنه دوام ایتدی . یکی دولتک حکومتی
جلادته مجادله آیتدی . نشویقانه قربان اولان خلق
دائرة معصومیه ارجاع ایددی . طویسز ، تفنگسز ،
جیخانسز ، واسطهسز اقاض حاله کتیرلمش اولان اردو
احیا ایددی .

ایلك مجادله کونلرنده الیم بر اضطرار ایله وجوده
کتیریان غیر منتظم قوتلر درحال قوای نظامیه به قاب
ایددی .

بو اسقانی ، متفع و ملاحظانه منافی بولان بعض
مفرزه لرك اهانتکارانه مقاومتی قلع اولوندی ، طالع
و حضور مملکت ، منتظم بر اوده نك ید امانته تودیع
ایددی .

اقدیلر ! ملی اردونك دها ایلك تشکلی کونلرنده
کوردیکی بویوک و قیمتلی خدمتله ، ملتک دائماً خاطر نشان
منت و شکرانی اولاجقدر . (شدتلی آقیشلر)

یکدیگری تعقیباً فائق دشمنلره قارشو استحصال ایدیلن
ارمنستان ظفری ، برنجی ابن ارکی ظفری ، ایکنجی ابن اوکی
ظفری و جنوب جبهه سی محارباننده کوستریلن قداکارانه مقاومت

صفحه لری ، ملی اردونك تاریخ شرفده ایلك قیمتلی حادثه لر
اوله رق دائماً پارلاقلی محافظه ایده جکدر . (آقیشلر)

اقدیلر ! مجادله سنه لری تعاقب ایتدیجه کنج اردومن
شاهت تملری اوزرنده منادیاً یوکسلیدی . اراده ملیه نك
توجه ایتدیکی لک مهم وظائفی قهرمانانه ایفا قدرت
وحشمتی کوستردی . آقره یه بورون مفرور یونان

اردوسنی سقاریا میدان محاربه سنده مغلوب وور جمته مجبور
ایتدی . نهایت تکمیل یونان آسیای صغری اردوسنی
آقیون قره حصار - دو ملی بیکار میدان محاربه سنده

تماماً بوغدی و بوزن افسانیه آناطولی طویراقلرینه
سردی ، احمای ایتدی . (شدتلی آقیشلر) هر صفحه سی
وطن ایچون ، تاریخ ملیه مزاجچون ، احفاد و انسال مزاجچون

شرفلی حادثه لرله دولو بویوک بر منقبه جلادت تشکیل
ایدن آناطولی محاربه لرینک هیجان بخش تفصیلاتی لسان
تاریخه ترک ایدیورم .

فقط اقدیلر ! مات ؛ ملتک روح صنعتی ، موسیقیسی ،

ملتک کندی قدراته بالذات واضع الید اولدیغی اعلان
ایتدی . حاکمیت ملیه اساسانی دستور حرکات اتخاذ
ایتدی و قوتلی بر خلق حکومتک اساسی وضع ایلدی .
(شدتلی آقیشلر)

اقدیلر ! آناطولیده یکیدن ملی بر دولتک قورولماسی
ملتمزک رشده کیاستی کوسترن شایان تقیر بر اثر انقباه
ایدی ، فقط دشمنلره برابر پادشاه و خلیفه اولان ذات ،
بوندن نمون اولمادی . پارسده امضا ایتکاری سهور
معااهده سی جبراً ملتله قبول ایتدی . یرمک ایچون مشترک
نداییر آدیلر . آناطولینک ملی هیجانلری باسدیرمق
ایچون مراجعت اولنماق شیطنت بر اقدیلر .

بر طرفندن دینی ، سیاسته آت اتخاذ ایدرک آناطولی
مجاهد لری اعدامه محکوم ایتدیلر . اهالی یی مهور
فتوالرله مقابله یه تشویق ایله دیلر . بر طرفندن بعض
بسیپایه لرك جیلیرینی دولدورارق قوای انضباطیه و یا
خلافت اردوسی نامیه اوزرمزه صالحیدیلر . صاف
و معصوم ختی بر چوق تصنیعات ایله اغفال ایدرک
داخلده یر یر عصیان آتشری یاقدیردیلر .

اقدیلر ! ایلك مجاسمرك ككادی کونی استانبولدن
اداره اولنان قیام ، آقره نك سکز ساعت مسافه سنه قدر
کلش بولونیوردی . صامسون و حواله سنده سیاسی و ظالم
بر عصیان ، بوتون محیطه حاکم اولمق استعدادینی کوستریور .

دی . وطنک شرقی ، غربی و جنوبی دشمن آتشری
ایچنده یانیوردی . ایشته مبدأ حرکت مزده کی منظره . . .
محترم اقدیلر ! بوکوسکی پارلاق نتیجه یه وصول
قولای اولمادی . مبدأ حرکت ایله نقطه مواصلت آره .

سنده کی مسافه نك عظمتی و استعمال ایدیلن زمانک آزلغنی
نظر دقت هالیکزه عرض ایتمک ایسترم .

بو خصوصده کی خاطره منزی دائماً قوتله محافظه ایدم .
چونکه بو ، بزم ایچون مستقبل مساعیمزده عزم و متانت
منبعیلر .

اقدیلر ! مطالعاتک ایکنجی صفحه سنه کچرکن عرض
ایده بیکمه ، سلفکز اولان مجلس عالی ، ایلك کونلرک دهشتی
قارشو سنده مفرور اولمادی . ملدن آدیسی بویوک صلاحیت

ادبياتی و بونون بدیسانی بوقدسی جدلك آبی ترانه
لرینی مؤید بر وطن عشقتك وجدلریله دامتارنم ایقلیدر.
(آقیشلر)

افندیلر !

عرض ایلدیکم، قایع حربیه به، بک مهم سیاسی فه لیتلر من
ترافق ایتمشدر . از جمله روسلرله البرم احکامی جای بر
دوستتاق معاهده نامه سنی عقد ایتمک ؛ اوقراینا ،
کورجستان ، آذربایجان و افغانستان ایله ده عین ماهیتده
معاهده لر عقد ایلدک . شرق جبهه سنده قازا -
ندیغمز ظفر نتیجه سنده ارمینرله مصالحه یایدق .

اوزان ضرب دولترلیله تاسمزه کلنجه : یاکنز فرانسه -
لرله محدود شرائطی احتوالیدن آتقره ائتلافی یاپه بیلدک .
حالبوکه هر بویوک محاربه دن اول و یا خود صوکره استحصال
صاح یچون صمبانه چالیشدیغمز حالده مراجعتلر من
یاردا یله و یا خود استقلال یله مقابله کوردی .

افندیلر !

نه یابلمک ، قوای ماده ایله مؤید اولما یا : حق لک عقامه ،
محکومیتی افاه ایدن قاعده کله رلیه ، نرم حقمزده
مسامحه کار بر استننا کوسترمه دی . ملک اراده سی ، فعلی
وقطعی بر ظفرک تمثلی حائنه تشخص ایتمک کجه پری
صاح ، آغوش حضورینی بزه آجمادی .

افندیلر !

ایلك محاسنه ز مالکینی دشمن آیاقلر ندن قور تاروق ، منای
حیاتمنش بر صلحه کور تورمک فایده سنه یو ورکن عین
زمانده یکی تورکیا دولتک بنیانی تأسیس و ترصین
ایدیوردی . بومقصدله قانونلر وضع ایتمدی ، قرارلر
اتخاذ ایلمدی ، دولک مختلف شعباتک احتیاج کوستردیکی
برخیلی مسائلی ده حل ایتمدی .

افندیلر !

کیدن مجلس - وضعیت داخلیه منی و حرکات عسکر -
یه منی نشویش و صلح منزی اشکال دن کبری دور مامش اولان
بعض محدود کیمسه لرک وجودینه رغما - وظیفه سنی حسن
ایفایتمش و صورت عمومیه ده وطن و ملت ایچون ، وجب
خلاص و حیات اولمشدر . (آقیشلر)

محترم افندیلر !

درت سنه لک مساعیان صوکره صوکره ، قطعی مظفر تمز
اوزرینه مدانیه مقارله عسکریه سی یاپیلدی . وصاح
مذاکراتی دوره سنه کچیلدی . بومذا کراتک جبر یاننده ده
اتصادف ایتمدی کمز مشکلات بک چوقدر . فقط ، بن بونی
بک طبعی بولویورم . چونکه بوصلح مذاکراتنده تسویه
اولان حسابات درت سنه لک دکل درت یه زسنه لک بر
دورک میراث سیناتی ایدی . (دوغری سسلری)

حقیقه عثمانی ایمراتورانی اک حشمتلی ، عظمتلی
وقوتلی دور لر ندن اعتباراً ملتک استقلاللی ضررینه ، منافع
حیاتیه سی ضررینه او قدار چوق شی فدا ایلمش ایدی که
نتیجه یالکنز کندیسنک محو و مقرض اولمشندن عبارت قالمادی ؛
بلکه کسندن صوکره ده مملکتک صاحب حقیقی سی
اولان ملتی اثبات حق و موحدیت ایچون عظیم مشکلاته
معروض براقدی . (چوق دوغری سسلری)

مشکلات ، موفقیتله اتمحام اولوندی . بانه نتیجه امضا اولان
معاهده هیئت جلیله کزک منظور و معلومی اوله جقدر ، بن بوراده
یالکز بوکونه قادار اولان مساعی ایله اونک نتیجه لرینی
خلاصه ایتمک ایستهرم .

افندیلر ! شرقده طربزونی ، جنوبده آطنه یی احتوا
ایده جک بویوک ارمینستاندن ار قالماشدر . ارمینلر ،
طیبی اولان حدو دلری داخلنده براقلمشدر . ۹۳ سفرنده
تورک وطنندن جبراً آریلان الویه ثلثه تکرار سنجاغمز
آلته آلمشدر . (آقیشلر) شمالده قره دکزک اک کوزل
واک زنگین ساحل لری اوزرنده تأسیس ایلمک ایسته نیلن
پونتوس حکومتی طرفدار لر یله برابر تماماً بر طرف
ایدلمشدر . (آقیشلر) جنوبده نفوذ منطقه لری عنوانی
آلتمده مملکت منزی پارچه لاق امیدلری کاملاً قیراش
و ملتک عزم و جلادتی قارشوسنده تورکیانی پارچه لامه نک
خام بر خیال اولدینی قبول ایتمدیرلمشدر . (آقیشلر)
تورکیایه ، هر مدنی مملکتک مستفید اولدینی حق لری
طایتمدیرلمشدر . (آقیشلر) ینه جنوبده ثروت و قابلیت
اعتبار یله وطنمزک اک پارچه لاق بر امیددی اولان آطنه راونک
کی بر چوق کوزل شهر لر من ، مضطرب اولدقلری استیلادن

قورنارلشدور.

غریبه الك معمور برلرمز ، از میر و پروسه کی
 شهرلرمز ، پاشا ایلی و تاریخی ادرنه من و دنیا نك اشتیاقی
 جاب ایدن کوزل استانبولاز اسارت و اشغال بووندو-
 روغندن قورنارلشدور . بوندن ماعدا بزى دیگر مدنی
 ملنار صیره سنندن کیری بر قیران علی ، سیامی ،
 اقتصادی و ملی زنجیرلر قیرلشدور ، بارچالاشدور . (برارو
 سسلری ، آیشلر)
 افندیلر ! بوکونه قدر استحصال ایلدیکمز مرفعیات ،
 بزه آنحق ترقی و مدنیته دوغرو بر یول آچمشدور .
 یوقه ترقی و مدنیته هنوز ایصال ایتمش دکدر . بزه و
 احفاد مزه دوشن وظیفه بو یول اوزرنده تردسز ایلروله
 مکدر . (برارو سسلری ، آیشلر)

شوراسنی خاطر دن چیقارما ملی درکه . قدار فدا کارلرک
 نمره سفی ایزدن قاچیرما مق و کچن مصیبت و فلاکتلرک بر دعا
 عودتی غیر ممکن نیله جق تدابیر آلمق بزم ایچون هر کونک
 دوشونجه سی اولمالیدر . فقط این اولهلمکه ، بونک ایچون
 قوری بردقت و تیقظ صافدلانه برقیصه قانچاق کافی دکدر .
 افندیلر ! عصر لرجه دوام ایدن بر سره اداره نك
 بونسله تمحیل ایلدیکی وظائف ، تعداد ایدله میه جک
 تنوع و مشکلات عرض ایلکده در . بوسبيله یا عمه مجبور
 اولدیغمز مهم و چوق ایشلری سالم و نتیجه بخش بر
 سیستمه ربط ایتمک مجبوریتندیز . محدود و سناطله
 بویوک ایشلر کورمه نك تجربه اولان یکانه اصولی ،
 قوتلرمزی داغنامق ، وسائط موجوده نك قسم اعظمی
 غایه لر مزدن الك مهم اولانلر اوزرنده تکشیف ایتمکدر .
 شهه سز داخل اولاجغمز صاح دورنده بودجه مزک بخش
 ایده جکی مساعده نی اول امر ده یکی دولت نك تأمین بقاسنه ،
 شوکت و قدرتله ابدقرار اولسنه حصر ایده جکمز ؛
 فقط بونک ایچون اساس اولان بعض نقطه لر واردرکه
 اوندری دائما کوز اوکنده طومالی ز اتم . ایلک وارد
 خاطر م اولان مهم نقطه آسایشدر .

افندیلر ! حکومتنک حکمت موجودتی ، مملکتک
 آسایشی ، مملکت حضور و راحتنی تأمین ایلکدر . بوتون
 مملکتده مستقر بر آسایشک فیوضاتی حکمران اولمالیدر .

ملت ، واسع بر حضور و امنیت ایچنده مستقیم
 بولونمالیدر . مملکت نك هر هانسی برکوشه سنده خلاقک
 امنیتنی ، دولتک وحدت و آسایشنی اخلاصه تصدی ایلدیلر
 دولتک بوتون قوتلرنی قارشولرنده بولمالیدرلر . (آیشلر)
 سوکره افندیلر ! ...

تورکیا دولتک استقلاللی مقدسدر . او ، ابدیاً مؤمن
 و مصون اولمالیدر .

استانلار دولتک ، حیات ملت و مملکتک حارس
 یکانه سی ایسه قهرمان ، اردو مزدر . بناء علیه تشکیلات
 عسکریه مزک اعتنائی مخصوصه تنظیم و اعلاسی الك مهم
 اساسلردندر .

افندیلر ! بوکون واصل اولدیغمز صاحبک ، صالح ابدی
 اوله جغه اینامق ، البته صافدلک اولور . (چوق دوغری
 سسلری) بو ، اوقادار مهم بر حقیقتدرکه اوندن بر آن نیله
 غفلت ، مملکت بوتون حیاتی تهلکده القا ایدر .

شهه سز حقوقزه ، شرف و حیثیتزه حرمت ایلدیکجه
 مقابل حرمتده قطعاً قصور ایتیمه جکمز . فقط نه چاره که ضعیف
 اولانلرک حقوقنه حرمتک نقصان اولدیغنی و یا هیچ حرمت
 ایلمدیکتی چوق آجی تجربه لره او کرندک . اولک ایچون
 افندیلر ، بوتون احتمالاتک طلب ایده جکی حاضر لقلری
 باقمده اصلا تأخر ایده میز . (برارو سسلری)

افندیلر ،

مملکتک داخلی و خارجی امنیتی اسبابی استکمال ایلدیلرکن
 اصول عدلیه مزک سرعت مکنه ایله اصلاحه اهمیت مخصوصه
 عطف اولونمالیدر . (چوق دوغری سسلری) نافع ،
 اقتصاد و معارف اوورینک نه قدار حیاتی اولدیغنی ، مملکت
 موفقیتنی ، رفاه و سعادتنی تأمین خصوصنده نه قدر مستعجل
 و برم بولوندیغنی تقدیر بو یورور سکمز .
 افندیلر ،

ملته قارشی ، معتمد اولدیغمز و هر بری باشلی باشنه حاز
 اهمیت سائر باجمله مسائل عملی و علمی اصولار دئره سنده
 حله توسل ایلمک جمله وظایغمز دندر .

ناسیبات خارجیه مز حقیقه فضلله برشی سوبله مک
 لزوم کور میورم . بو خصوصده کی قطعی شعارمز جهانجه
 معلوم اولمشدور .

بوتون قومشولر بجزله رديگر دولترله دوستانه كچينه كه
ومتقابل حرمت و وفا كارلغه مستند سياست مزك دوام ايده چكنه
شهه يوقدر . شوراسنى توضيح ايتك ايسته رم كه صلح
دورينه حقيقى رسميميتله و جدى برسكون آرزوسيله
كيريورز .

هيئت عليه كزك ديكلمك لطفده بولوندينگز بوتون
بومطالعاته ، مساعده بويوريسه كز برقاچ سوزدها
علاوه ايديم . (بويوريسلرى)

افديلر ! برآرايچون تفرعاندن نجرده وطن دبديكمز
قدسى موجوديته . همومى بر نظرله باقم . اونك حيات نامه ،
عمران نامه هر مظهر بتدن محروم برسياه طوپراق ساحه سندن
عبارت بر اقلمش اولديغنى كورورز . اوسياه طوپراق ساحه
سنگ آنتده دفينه لر و اوسقنده اصيل و تهران بر ملت
باشايور . (سوركللى آلتيشلر) ايسته بز ، بوتون بو اوزون و تخملى
مشكل مجاهدلرى بو عزيز ميراث اجدادك حر و مستقل
صاحبى اولديغى مى والى الابد اوله جغمزى اثبات ايچون
يايمش بولونيورز . وطنك واستقلال ملك مصونيتى نامه
يايمش بولونيورز . بوندن سو كراكى فعاليتلر منكده هدف
اصلىسى عين مصونيتك و حضور و امنيتك تايمين و تايبدي
اوله جقدر .

بو سايله ده ملكتمزى معمور و خالقمزى مسعود
ومر فائده چكز . (انشاء الله سسلرى) اميدمز ، عزيز
وياخاصه ملت مزك و مجلس عاليك مزك كو بستره چكى وحدت
وتساند ترقى و بدئيت بولنده كى مساعيمزده البته ضامن
موقيت اوله جقدر .

محترم آرقداشلر ! معروضاتمه ختام ويره دن اول
جمله كزى بو بوك بر وظيفه نك ايفاسنه دعوت ايتك
ايستيورم . كچيرديكمز بحرانلى كونلوك شرفلى قهرمانلرى
هپ برابر تقديس ايده لم . (آلتيشلر)

اونلر آره سنده محاربه ميدانلر نده دشمن سلاحيه
كوكسلرى ده لينمش بختارلر اولديغنى كى يانغينلرده ،
آتشلرده يايغلمش بدبخت چوققلر ، قادينلر و اختيارلر
واردر .

اونلر آره سنده ناموسلرينه تجاوز ايدلمش ، ابدى
آغلامه محكوم كنج قيزلرده واردر .

اونلر آره سنده يوردلرى غائب ايتمش حائلر ،
اولادلرى كومش آناز واردر وينه اونلر آره سنده
محاربه ده كى وظيفه ناموسنى شرفله ايفا ايده رك بوكون
ملككلرينه دونمش غازيلر واردر .

اونلردن جام شهادتى نوش ايتمش اولانلر ك روحلرينه
فاتحمر آتحاف ايده لم .

(قائماً فاتحه آتحاف اولوندى)

افديلر ! بوكون بحق افتخار ايده سيله چكمز بوتون
موقباتك سرى يكي توركييا دولتك بدياننده در .

فى الحقيقه توركييا دولتك ، بويكى مؤسسونه استداد
ايدلدى اساسلر ، ماهيت اعتباريله كندينه تقدم ايدن تاريخى
مؤسسولر ك اساسلر ندن باشقهدر .

بوى بر كله ايله افاده ايتك لازم كليرسه ديه بيليرزكه
يكي توركييا دولتى بر خلق دولتيدر ، خلقك دولتيدر .
مؤسسوات ماضيه امسه بر شخص دولتى ايدى ، اشخاصك
دولتى ايدى .

بر ملتك ساحه عالمدن تماماً سيلتمسى ايچون ، بر ملتك
مجموعه بشريته تماماً انحلال ايتديريله بيلمسى ايچون
طوفان توح قدر خارق العاده مصائب و حادثات لازمدر .
فقط اشخاص ، كنديله كندن محكوم زولدر . بناء عليه
خلق مؤسسوسى ايله شخص مؤسسوسى آره سنده حيات
وزوال نسبتلرى ده بونك عييدر . (آلتيشلر)

افديلر ! دنيا نك بللى باشلى ملتلىرى اسسارتدن
قورتلر مرق حاكيتلرينه قاوشديران بو بوك فكر جريانى ،
كهنه مؤسسواته اميد باغلايانلر ك ، چورومش اداره
اسوللر نده رها قوتى آرايانلر ك بي امان دشمنيدر .

آوستريا ، آلمانيا ، روسيه و حتى دنيا نك ك محافظه كار
بر مدنيتيه منسوب چين امپراطور لملرى او بو بوك فكر
جريانك قهار صدمه لريله ، كوزلر مزك او كنده ،
دورلشدر .

ايسته افديلر ، يكي توركييا دولتى ده جهان حاكم
او بو بوك وقادر فكر ك توركياده تجليسيدر ، تحقيدر .
جهانك اجتماعى و سياسى ايجابانندن دوغان ويكلر جه
سنه لك تورك تاريخك نتيجه تكامل اولان دولتمز ، دوام
و استقاراك بوتون اوصاف و شرائطى حائزدر .

افندیلر بو شرائطك مسعود انكشافی تأمینده ،
 هیئت جلیله كزك مظهر موقیات اولماسی جناب حقین
 نیاز ایده م . (سوره کای وشدتی آفیشلر)
 رئیس - افندیلر ؛ روزنامه ده رئیس نانی انتخابی
 وارد . فقط اورایه کچمه دن اول بر قاچ تقریر وار .
 مساعده بو یورورسه کز بونلری اوقوبه لم .

ریاست جلیله

ایراد بو یوریلان نطق ریاستیناهینک طبع ونشرینی
 هیئت جلیله تکلیف ایده رز . ۱۳ آغستوس ۱۳۳۹
 کابولی مبعوثی متشا مبعوثی
 جلال نوری یونس نادی

برنجی بیریك ملت مجاهدینک مساعی مجاهدانه منک تقریری ؛
 ریاست جلیله

ملکیتی دشمن ایقلرندن قورناره رق شرفلی بر
 صلحه ایصال ایتمکدن عبارت اولان وظیفه منی شایان
 تقدیر بر عزم ایله ایضا ایتش وعین زمانده ملی دولتمزك
 تانی قورمش اولان برنجی تورکیا بویوک ملت مجاهدینک
 مساعی مجاهدانه منی تقدیر آهیت عمومیجه قرار اعطاسی
 بو بصورتله سلف محترمز حقنده لازمه قدر شاسینک
 ایضاسی تکلیف ایلرز .

۱۳-۸-۳۹

درسم مبعوثی استانبول مبعوثی کوتاهیه مبعوثی
 فریدون فیکری آچوره اوغلی یوسف رجب

آنطالیه مبعوثی

مراد

(آچوره اوغلی یوسف بکله رفقاسنک تقریری)

ریاست جلیله

رئیسز غاری پاشا حضرتلرینک شو قیمتلی تاریخی
 نطقلرینک کافی مقدارده طبع ایتدیریلرک کویله قدر
 نشر وتعلیقی تکلیف ایلرز .

۱۳ آغستوس ۳۳۹

قونیه مبعوثی استانبول مبعوثی استانبول مبعوثی
 مصطفی فوزی آچوره اوغلی

یوسف

قونیه زولقولداق ارطغرل مبعوثی
 توفیق طونه لی حامی راسم
 بیغا آنطالیه قسطنمونی
 رفعت راسخ ولدچابی
 درسم کوتاهیه اورفه
 فریدون فیکری رجب صفوت
 قونیه قونیه
 کاظم حسینی نعیم

رئیس - افندم ! بو تقریرلر دن ایکیمی نطقک طبع
 وتکشیرینه دائر در . قبول بو یورانبر لطفاً اللرینی قالدیرسون !
 قبول ایدلشدر .

دیگری ؛ سلف جلیله کز اولان مجلسک تقدیرینی
 قراره المنی قبول ایدنلر لطفاً اللرینی قالدیر . ون ! قبول
 ایدلشدر .

افندم ! رئیس نانی انتخابی ایچون لطفاً رأیلرینکیزی
 استعمال بو یوریکیز .

(اورفه دائره انتخابیه سندن استحصال آرایه
 باشلانندی)

رئیس - افندم ! رأیلرینی استعمال ایتمین رفقا
 وارمی ؟ رفقائک رقصی طیشاریده در . رأیلرینی استعمال
 ایتمه مشلردر . رأینی استعمال ایتمین قالدیمی افندم ؟
 استحصال آرا ختام بولشدر . [احمدساقی بک (آنطالیه) ،
 محی الدین بک (الغرز) ، اسماعیل صفا بک (آطنه)
 تصنیف آرایه مأمور اولمشلردر .]

افندم ! رئیس وکیللری حقنده رأیلرینکیزی استعمال
 بو یوریکیز . برنجی رئیس وکیلی ، ایکنجی رئیس وکیلی
 برکاغد اوزرنده اوله حق .

(جبل برکت دائره انتخابیه سندن استحصال آرایه باشلانمشدر)
 رأینی استعمال ایتمین وارمی ؟ (وارسیسلری)
 (رأینی استعمال ایتمینلر ایتمشلردر .)

تصنیف آرا نتیجه سته انتظار ایدنجهیه قدر بر تقریر
 واردر . اونی اوقوبه لم .

اردوبه شکرانه راهترامر :

ریاست جلیله

ملی مجاهده منری شو مسعود نتیجهیه ایصالده الکهم

عامل و مؤثر اولوب (سهور) صحیفه سیاهی (لوزان) معاهده غرانه تحویل ایدن قهرمان اردو مزه مجلس مالینک شکران واحتراماتنک ایصال ایدلسنی هیئت جایله به عرض و تکلیف ایدرز .

۱۳ آغستوس ۳۳۹

کوتاهیه	استانبول	موش
رجب	علی رضا	الیاس سامی
بوزاق	استانبول	کلابولی
صالح	سایمان سری	جلال نوری
قسطنونی	جبل برکت	بولی
علی رضا	عونی	فالخرقی
	بولی	اردنه
	محمد	جعفر طیار

(موافق سسلری)

رئیس - اقدام بوتکلیفی موافق کورنلر لطفاً ال قالدیرسون ! (متفقاً قبول سسلری) متفقاً قبول ایدلسدر اقدام .

اقدام ! برده انتخاب مضبطه سی وار . بشنجی شعبه دن مورود ، ملاطیه مبع ثلری حقننده در .

بویوک ملت مجلسی ریاست جایله سنه

ملاطیه مبعوثنغه انتخاب اولونان ذواتدن عصمت پاشا حضرت ثلریله قائم مقام محمود ندیم و دو قنور حلیمی بکاره عائد اولوب تاخرافله کلن مضبطه شبهه منک انجمن مخصوص و هیئت عمومی سنج بالترقیق موافق اصول وقانون کوروش اولقله برای قبول و تصدیق هیئت عمومی به عرض اولونور .

۱۳ آغستوس ۳۳۹

کاتب	بشنجی شبهه رئیسی
کنفری	سیدوب مبعونی
احد طاعت	یوسف کمال

رئیس - انندم ! اسملری ذکر اولونان ذواتک هر برینی آیری آیری رأی عالیکزه وضع ایدم حکم . عصمت پاشا حضرت ثلرینک مضبطه سنی قبول ایدنلر لطفاً ال قالدیرسون ! عصمت پاشانک اعضالنی قبول ایدلسدر .

قائم مقام محمود ندیم بکک مضبطه سنی قبول ایدنلر لطفاً ال قالدیرسون ! محمود ندیم بکک اعضالنی قبول ایدلسدر .

دو قنور حلیمی بکک مضبطه سنی قبول ایدنلر لطفاً ال قالدیرسون ! دو قنور حلیمی بکک اعضالنی قبول ایدلسدر .

اقدام ! ریاست ثانیه ایچون پاییلان انتخابده آرانک نتیجه سنی عرض ایدیورم :

رأیه اشتراک ایدن [۱۹۶] ذات . [۱۹۶] رأی ابله علی فؤد پاشا حضرت ثلری ریاست ثانیه به انتخاب ایدلسدر . (آلقیشلر)

اقدام ! رئیس و کیلاری حقننده کی استحصال آرا ختام بولشسدر . [جودت بک (کوتاهیه) ، امین بک (اسکیشهر) ، رفعت بک (کنفری) تصنیف آرایه مأمور ایشلردر .]

اون دقیقه استراحت ایتمک اوزره جلسه بی تعطیل ایدیورم .

ایکنجی جلسه

برآمدن کرات
دقیقه ساعت
۵۰
۴

[رئیس - رئیس ثانی علی فؤاد پاشا حضرت ثلری] موقت یکتیلر : رفیق بک (قونیه) جودت بک (کوتاهیه) رئیس ثانی علی فؤاد پاشا حضرت ثلرینک نظقلری : رئیس - جلسه بی آچورم .

محترم آرقداشلر ! مجلس عالینک کشادنده رئیس موقتلکده و بویوکونده رئیس ثانیلکده انتخاب ایدلدم . بوضورتله بویوک براعتقاد قارشیدنده بولنیورم که بونک شکرانسی لسانله ایفا ایدم . بنده کز وطن و ملنه و مجلس عالیکزه قارشیه در عهده ایدیکم وظیفه بی آنجیق امنیتکزه مظهر اولمش بر آرقداشکز صفقیله ایفا ایده بیلیرم . محترم رفیقلم ! وظیفه وطوغریبانک مزیت مبعجله سنی و بویوککلکنی ایچرمزده تقدیر ایچمین بوقدر . بن بونی شمده بی قدر اهماال ایتمه دیکمی قویاً خلن ایدیورم .

اسماعيل جانيولاد بك استانبول ، نوح ناجي بك
 قيصري ، دوكتور توفيق بك ايج ايل)
 اقدام! رئيس وكيلرنيك اتخابنيك نتيجه سني عرض
 ايده يم :

برنجي رئيس وكيلى اتخابنده ۱۹۵ آرقداش اتخابه
 اشتراك ايتمش ، معامله تمامدر . ۱۸۸ رأی صبري بك
 صاروخان ۷ رأی عبده عزمي افندي (اسكيشهر) آمددر .
 بناء عليه ۱۸۸ رأی ايله صبري بك (صاروخان) برنجي
 رئيس وكيلاكنه اتخاب اولمشدر .

ايكنجى رئيس وكيلى اتخابنده كذا ۱۹۵ كشي اتخابه
 اشتراك ايتمشدر . ۱۸۵ رأی عصمت بك چوروم ، ۷
 رأی منير بك (چوروم) آمددر . بناء عليه ، ايكنجى
 رئيس وكيلاكنه ۱۸۵ رأی ايله عصمت بك (چوروم)
 اتخاب ايده شددر . ۳ رأی ده مستكف واردر . بناء عليه
 ۱۸۵ رأی ايله عصمت بك (چوروم) ده ايكنجى رئيس
 وكيلاكنه اتخاب ايده شددر .

اقدام اياكيز بر رجا و واردر . معلوم تاليكيز بوگون
 ديوان رياست اتخاباني ختام بولمقدور . شعبه لرده مضبوطلر
 حقهنده كي تدقيقات بيته مشدر . ششمى ، معلوم تاليكيز
 مجلسك فعالتي باشلايور . بده انجمنلرله اوله بيابر . چوق
 رجا ايديرم ، شعبه لر يارين سساعت اوندن اعتباراً انجمنلر
 اتخابنه باشلاسونلر . اقدام اشعبه لر دن ايكي اتخاب مضبوطه سي
 كمشدر مساعده ايدرسه كز او قويه يم :

ايج ايل بمعوتى حافظ امين افنديك مضبوطه سي
 حافظ امين افنديك مضبوطه اتخابيه سي انجمن مخصوص
 طرفندن باتدقيق اصول وقانونه موافق واسباب رد
 وتعليقن عارى كورولمش وشعبه مزجده لدى التدقيق
 موافق كوريلدرك هيتت عموميه تقديمي قرار كير اولمشدر .

رئيس
 اسكيشهر
 عبدالله عزمي

كاتب
 بوزاق
 سليمان صري

رئيس - اقدام! حافظ امين افنديك مضبوطه سي حقهنده

بوندن بويله ده اعمال ايتيه جكم . جناب حق شاهد اولسون
 وسزده محترم رفيقلم شاهد اولكيز . (آلفيشلر) برنجي
 دوره بويوك ملت مجلسي ، وطنك استقلالني قورومق
 وقورونار مقدمه نجات و حيت خارقه لري كوستر مشدر .
 دون بر چوق برلرده طوب صدالري ايشيديلير كن بوگون
 صلح و ظفر بايراملري باپوروز . آرتق برنجي مجلسك
 وظيفه سي موفقيته ختام بولمشدر و آرتق مهم وظيفه
 بزله توجه ايتمشدر . وطن صلحه قاووشدقن سوكره
 سكون ورفاه و ترقى آرزوسيله چير پنيور . دهادوغري سي
 تعالى آرزوسيله چير پنيور . بونده كي موفقيت بنده كزجه
 استخلاص موفقيتي قدر مهمدر . آرتق بوندن بويله بوتون
 عزمنزله ، ايماننزله ، دماغنرله يكي غايه يه دوغري يورويلم .
 زدن اولكي كلنلر كي چاليشلم . توفيق ازل غيرته عاشقدر .
 البت والبته يكي غايه مزده ده موافق اوله جفز . (انشاء الله
 صدالري) جناب حقلك اسميله يكي وظيفه ده مباشرت
 ايدييورم . (شدتلى آلفيشلر)

ريواسه رياست اتخابنيك بقيه سي :
 رئيس - اقدام! معلوم تاليكيز ديوان رياست اتخابي
 قالمشدر . اكر مساعده ايدرسه كز بوني بر آنده ختامه
 ايرد برك اوزره اداره مأمورلريله كاتبلر ايچون بورايه
 برر قوطي قويه يم . اداره مأمورلري ايچون صاغ طرفده كي
 قوطويه رايلى زمي آتم . (چوق ابي سسلري) كاتبلري ده
 سول قوطويه اتم .
 دوكتور فكريت بك (ارطغرل) - بر قوطو آماز .
 (كاتب و اداره هيتت ايچون يوقلمه صورتيله اتخابانه
 باشلاندى)

رئيس - اقدام! رايلىن استعمال ايتمه ين ذوات
 وارسه رايلىني استعمال بويورسونلر ! استحصال آرا
 ختام بولمشدر .
 (جواد عباس بك بولى ، توفيق فكريت بك قونيه ،
 صالح بك بوز اوق هيتت اداره مأمورلريله عائد آراي
 تصنيفه باقرعه مأمور ايده شددر)
 ششمى اقدام ، كاتب بكار ايچون تصنيفه مأمور
 اولانلرك اساميسني او قوييورم :

افندم ! دیوان کاتبلیکنده (۱۸۹) ذات رأیه اشتراك
ایتمشدر . بناءً علیه معامله تمام . راغب بك (زونفولداق)
۱۸۲ ، حیدر رشدی بك (دکزلی) ۱۸۲ ، واصف بك
(صاروخان) ۱۸۲ ، روشن اشرف بك (آفون قره -
حصار) ۱۸۲ ، فالخ رفیق بك (بولی) ۱۸۱ ، محمود بك
(سعرد) ، رفیق بك (قوسیه) ۵ ، یاقوب قدری
بك (ماردین) ۴ ، شکری بك (ازمیر) ۴ ، طلعت بك
(کنفری) ۳ رأی آلمشدر . آئی کاتب انتخاب
اولنه جقدی ، بناءً علیه راغب بك (زونفولداق)
دیوان کاتبلیکنه انتخاب بویورلمشدر . حیدر رشدی بك
(۱۸۲) رأی ایله دیوان کاتبلیکنه انتخاب بویورلمشدر .
واصف بك (صاروخان) ۱۸۲ رأی ایله دیوان کاتبلیکنه
انتخاب بویورلمشدر . روشن اشرف بك کذا (۱۸۲)
رأی ایله دیوان کاتبلیکنه انتخاب بویورلمشدر . فالخ رفیق
بك (بولی) کذا دیوان کاتبلیکنه انتخاب ایلمشدر .
محمود بك (سعرد) کذا دیوان ریاست کاتبلیکنه انتخاب
ایلمشدر . انتخابات ختام بولمشدر . مساعده بویوربرسه کز
کچ وقت اولدیغندن دولایي ..

احسان بك (جبل برکت) — پاشا حضر تتری !
هنوز سویله حکم ، سوزایستیورم افندیلر ! دیوان ریاست
انتخابنک ختامی آنندن اعتباراً مجلس عالی نامنه حرکت
ایدن حکومتک مشروعیتی قالمشدر . هیئت وکیله
حاضریه ، اسکی مجلس اعتماد ایتمش ووظیفه تودیع
ایتمشدر . یکی مجلسک هنوز اعتمادینه مظهر اولیان هیئت
وکیله سابقه نك مشروعیتی قالمشدر وایضای وظیفه
ایتمک حقی یوقدر . یا هیئت وکیله انتخاباتی ششمی
یایارسکز ویاخود هیئت وکیله انتخابی پایدنجهیه قدر
الوهیته اعتماد ایدرسکز . چونکه تشکیلات اساسیه ده
جواز یوقدر . واکر بویله یایارسه کز فنا بریول آچش اولورسکز .
تهلکلی بر تعامل یایارسکز .

روشن اشرف بك (قره حصار صاحب) - ناصل پایه ۹ ،
رئیس — افندم ! فی الواقع احسان بك رادریزک
مطالعه سی دوزیدر . فقط وقت کچ اولدی . یارین
جلسه سی آچار هیئت وکیله انتخابی پایه جقر . مساعده

ختام مذاکرات

دقیقه	ساعت
۳۰	۵

اجتماع آئی روزنامه سی

- ۱ — ضبط سابقه خبر صحرای
- ۲ — اوراق وارده :

لا یجلد

— جدال ملی به اشتراك ایتمین و توریادن آبریلان
مملکتلرده مختلف صور تار له قلدقاری ثابت اولان ارکان ، اسرا
وضابطان و مسووبین مسکریه نك ترقین قیدلری حقدنه هیئت
وکیلدن مورد لایحه قانونیه
— واقعه و براتلرنده مال منقطع مندرج اولانلردن ماعدا
بالموم اوقف ماحقه فضلرندن آلمقده اولان مال منطوعک
الفاسنه دائر هیئت وکیلدن مورد لایحه قانونیه
— رژی مدیریت عمومیه سی بودجه قانونی
تذکره

— دردنجی و اوچچی صنف کتبه عسکریه ایله آچقده
بولنان مأمورین و کتبه عسکریه تخصیصات فوق العاده سی مقدرای
حقدنه تفسیر طانی منضن اجرا وکیللری هیئت ریاستی تذکره سی
— یدنجی آوانس قانونک انشای مذاکره سنده هیئت
عمومیه ججه قبول ایدیلن یوزغاد مبعوثی سلمان سری بکک
تقریرینک قانون ویا نظامنامه ویاخورد تفسیر قانونیدن هانکیسی
حکم و قوشنده عد و تاقی اولنه چنک اشعاری حقدنه هیئت وکیلدن
مورد تذکره

— ۱۹۰۸ لیزبون قانراغراف و ۱۹۲۰ مادرید پوسته بین الملل
فورنر لایحه تثبیت ایدیلن مقاولات و نظامانه اشتراك خصوصنده
بر قرار اعطاسنه دائر اجرا وکیللری هیئت ریاستی تذکره سی

— مأموریندن مبعوث اولانلرک تقاعد و مزوایه فائداقی
حقدنه قبول ایدیلن تقریردن مأمورین کله سنک بووک ملت
مجلسی اعضاسی میننده بولنان ارکان ، اسرا ، ضابطانه شامل
اولوب اولدیقتک تفسیری حقدنه اجرا وکیللری هیئت ریاستی
تذکره سی

— بلدی رییسلرینک وظائف ساثره ایله اشتغاللری جائز
اولوب اوله بیجه سی ماده سنک تفسیرینه طاند اجرا وکیللری هیئت
ریاستی تذکره سی

— رسوم بلديه قانونك اون ايگه جي ماده معدله سنك تفسيرينه
 دائر اجرا و كيلاري هيئي رياستي تذكره سي

— آله بازاری اخشاب دمير مالز مه اعمال الخزانه سي همانلي
 آنونيم شرڪتته بعض مساجد اعطاسي حقنده كي هيئت و كيله تذكره سي
 از مير و قصبه تمديدى بلديرمه صومه و ساژنهك مسابق
 استانبول حكومتجه تره نره طاند حقوق امتياز بهك الفاسيله
 اشتراسه دائر قانون موقتك ردى حقنده تذكره
 ۴۲۹ ذاك استقلال مهديه تاطيلقري حقنده اجرا
 و كيلاري هيئي رياستي تذكره سي

ملازم اول فؤاد افنديك استقلال مهديه تاطيلقري حقنده
 اجرا و كيلاري هيئي رياستي تذكره سي

آلمش سكر ضابطك تقديرنامه ايله تاطيلقري حقنده مدافسه
 مليه و كالتي تذكره سي

يكرى درت ضابطك تقديرنامه ايله تاطيلقري حقنده مدافسه
 مليه و كالتي تذكره سي

اولجه آتكر نامه و بالاخره تقديرنامه ايله تاطيلقري ايدبان
 بيكباشي محمد رشدي افندي حقنده ايني قطعه تقديرنامه آلانر
 مثلاً معامله ايفاسي لازم كلوب كليجه كنه دائر مدافسه مليه
 و كالتي تذكره سي

بوزانتي برشده لي علي راسم افنديك تقديرنامه ايله تاطيلقري
 حقنده اجرا و كيلاري رياستي تذكره سي

شهادت كاذبه ماده سندين ايكي سنه كوره كه محكوم عينتابلي
 بهزاد اوغلي و قاصك معلوليتندن دولاني بقيه مدت جزاييه سنك
 عقوبته دائر هيئت و كيله تذكره سي

قتل ماده سندين يدي بچي سنه كوره كه محكوم دوركالي
 ناحيه سندين امام اوغلي حسن بن طاهر ك معلوليتندن بقيه مدت
 جزاييه سنك عقوبته دائر هيئت و كيله تذكره سي

آماسيه استقلال محكمه سنجه سلك عسكريدن طرف و اون
 سنه كوره كه محكوم ايدبان ملازم اول و قنديالي لطي افندي بن
 رشديك معلوليتنه بناء بقيه مدت جزاييه سنك عقوبتي حقنده
 اجرا و كيلاري تذكره سي

قتل قصديه جرح ماده سندين يدي بچي سنه كوره كه محكوم
 بوزغاددن حاجي علي اوغلي ادهمك معلوليتندن دولاني بقيه مدت
 جزاييه سنك عقوبته دائر اجرا و كيلاري هيئت تذكره سي

منع مسكرات قانوني موجبجه محكوم ايدبان نعمت خدا
 بلكن گمسي قاپداني ترمبولي كور علي زاده قتل حقنده سي
 حكومه خطاي عدل واقع اولديقتندن قطعي اولان حكمه تذكره
 عقوبتي صورتيه تلافيسي حقنده هيئت و كيله تذكره سي

جنايته محكوم كنفريك شعبان اوزي ناحيه سندين كيك
 اوغلي سايبانك اعاء حقوق ممنوعه سنه دائر اجرا و كيلاري هيئي
 تذكره سي

جنايته محكوم اورفوندن حق كامل زاده حاجي مصطفي
 افنديك اعاده حقوق ممنوعه سنه دائر اجرا و كيلاري تذكره سي

حيات حريمه دن اعدامه محكوم كوتاهيهك آلنون طاش
 ناحيه سندين مراد اوغلي دلي احمد حقنده كي حكم ديوان تمير
 عسكريجهده تصويب ابدليكندن تصديقه دائر اجرا و كيلاري
 تذكره سي

الجزيره استقلال محكمه سي . آلي ۱۴ طانور قومانداني
 بيكباشي حسين لطي افندي ني صلاحيت خارجي محكوم ايتديك دائر
 اجرا و كيلاري تذكره سي

اعدامه محكوم و محكمه تميرجه مصدق بلديه مقتضى شيخي
 دده حقنده كي حكمت ايفاسنه دائر عدليه و كالتي تذكره سي

اعدامه محكوم و محكمه تميرجه مصدق ملاطيهك ماسركلي
 قريه سندين حسن بن يوسف حقنده كي حكمت ايفاسنه دائر عدليه
 و كالتي تذكره سي

اعدامه محكوم محكمه تميرجهده مصدق سرعشده قسطنطين
 اوغلي رجب حقنده عدليه و كالتي تذكره سي

ديوان حريمه اعدامه محكوم و ديوان تمير عسكريجه
 مصدق قصبه لي حاجي ميخال اوغلي كيبوز حقنده مقتضى معاملهك
 ايفاسنه دائر اجرا و كيلاري رياستي تذكره سي

حيات حريمه و جاسوسهق ماده لرندن اعدامه محكوم كل
 احمد و شيطان محمد حقنده كي حكمت تصديقه دائر اجرا و كيلاري
 هيئي رياستي تذكره سي

حيات حريمه دن اعدامه محكوم و تمير عسكريجهده مصدق
 صباجه لي واسيل ايله قوجو حقنده كي حكمت دائر اقتضاسنك
 ايفاسنه دائر اجرا و كيلاري هيئي رياستي تذكره سي

فرار ماده سندين اعدامه محكوم و ديوان تمير عسكريجهده
 مصدق يوسف اوغلي عبدالله حقنده كي اورانك كوندردليكنه
 دائر اجرا و كيلاري هيئي رياستي تذكره سي

حيات حريمه ماده سندين اعدامه محكوم تكفور طاغلي
 اغيا ولد سحاق حقنده كي اورانك كوندردليكنه دائر اجرا
 و كيلاري هيئي رياستي تذكره سي

اوراق ساژه

الجزيره استقلال محكمه سنجه اعدامه محكوم ارمني ملنندن
 مارديروس حقنده كي حكمت تصديقه دائر مدعي هموميدكي
 تذكره سي

يكي دوره اجتماعيه تبري متضمن افغان مسغانندن
 مرسل تذكره

يكي دوره اجتماعيه تبري متضمن چوروم متصرفانندن
 وسينوب نورك اوجانندن كلن تلفرافلر

غازي مصطفي كالپا . حضر تالرينك از مير و آقره مبعوثانقري
 محافظه بوزرملري حقنده از مير مبعوثلري توفيق رشدي بك
 و رقاسنك و بوباده قريه سي مبعوثلرينك تكليف قانوني سي .

موش مبعوثي حاجي اباس سامي بكك مضبوطه سي
 هيئت و كيله انتخاباني